

DECRETO

Ilma. Sra. D^a. Tareixa A. Ferreiro Tallón, Tenenta de Alcaldesa Delegada da Área de Cultura, Turismo e Promoción da Lingua.

Instruído o expediente relativo a: **APROBACIÓN DAS BASES REGULADORAS XXV EDICIÓN DO CERTAME DE PINTURA RÁPIDA AO AIRE LIBRE "CIDADE DE LUGO" 2025.**

Vista a proposta do Servizo de Cultura, Turismo e Promoción da Lingua de data 11.06.2025, obrante no expediente, na parte expositiva do cal se fai constar o seguinte:

<< INFORME PROPOSTA DO SERVIZO DE CULTURA, TURISMO E PROMOCIÓN DA LINGUA.

ASUNTO: XXV CERTAME DE PINTURA RÁPIDA AO AIRE LIBRE "CIDADE DE LUGO" 2025.

COMPETENCIA MUNICIPAL

Segundo o establecido no Art. 25 da Lei 7/1985, de 2 de abril, reguladora das Bases de Réxime Local, a promoción da cultura é unha competencia municipal propia. En base a isto, desde a Área de Cultura, Turismo e Promoción da Lingua organízanse diferentes actuacións ao longo do ano para desenvolver unha programación cultural que facilite a participación da cidadanía nestas actividades.

INFORME

O Certame de Pintura Rápida ao Aire Libre "Cidade de Lugo" 2025, que este ano cumpre a súa XXV edición, é un premio de artes plásticas encamiñado á difusión e promoción de obras pictóricas que dan unha visión particular de cada un dos artistas que as elaboran da cidade de Lugo non seu conxunto, dotado cunha contía de 5.100,00 €. A estes efectos, propónse a súa convocatoria e execución.

Tendo en conta o informe da Tesourería Municipal sobre existencia de consignación orzamentaria no RC 37569/2025 (33000.48101) do vixente orzamento municipal, previa a fiscalización correspondente, a aprobación polo órgano correspondente.

Conforme ao anterior, este Servizo de Cultura, Turismo e Promoción da Lingua estima conveniente elevar proposta relativa á convocatoria e bases reguladoras do XXV Certame de Pintura Rápida ao Aire Libre "Cidade de Lugo" 2025, que se

recollen de seguido, para súa aprobación pola tenente de alcalde titular da Área, mediante a correspondente resolución.

Por dito motivo, en virtude das atribucións que lle confiren á Alcaldía e a Xunta de Goberno Local os artigos 124 e 127 respectivamente da Lei 7/85, de 2 de abril, reguladora das bases de réxime local, atribucións delegadas segundo acordo da Xunta de Goberno Local núm. 40/607, do 26/07/2023 e Decreto núm. 2730/2025 do 19/03/2025 na súas actuais redaccións, PROPONSE para a súa aprobación pola tenente de alcalde titular da Área:

PRIMEIRO.- Aprobar a convocatoria da XXV edición do Certame de Pintura Rápida ao Aire Libre "Cidade de Lugo" 2025.

SEGUNDO.- Aprobar as bases reguladoras da XXV edición do Certame de Pintura Rápida ao Aire Libre "Cidade de Lugo" que seguidamente se transcriben:

" A Área de Cultura, Turismo e Promoción da Lingua do Concello de Lugo, conforme ás competencias establecidas no Art. 25 da Lei 7/1985, de 2 de abril, reguladora das bases de réxime local, convoca o 25º CERTAME DE PINTURA RÁPIDA AO AIRE LIBRE "CIDADE DE LUGO" 2025, de acordo coas seguintes

BASES:

Primeira. *Obxecto, participantes e réxime xurídico.*

1. O certame de pintura rápida ao aire libre "Cidade de Lugo" 2025 ten por obxecto plasmar nun lenzo ou calquera outro soporte elixido a visión artística da cidade de Lugo.

2. Poderán concorrer cantas autoras e autores maiores de 18 anos que o desexen. Cada autora e/ou autor só poderá presentar unha obra, e non poderá asinala ata o momento no que se coñeza o ditame do xurado.

Non poderán acceder a estes premios as persoas participantes que se atopen afectados por algunha das circunstancias previstas nos artigos 10.2 e 10.3 da Lei 9/2007, do 13 de xuño, de subvencións de Galicia. Tampouco poderán acceder os familiares ata 2º grao das persoas integrantes do xurado.

3. A concesión dos premios rexerase por estas bases, pola Lei 9/2007, do 13 de xuño, de subvencións de Galicia; polo Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia; e, subsidiariamente, pola Lei 38/2003, do 17 de novembro, xeral de subvencións, así como polo Real decreto 887/2006, do 21 de xullo, polo que se aproba o Regulamento xeral de subvencións.

Segunda. Dotación e imputación orzamentaria.

1. As autoras ou autores que resulten gañadores recibirán uns premios dotados con:

1º.- 1.600 € e diploma.

2º.- 1.100 € e diploma.

3º.- 900 € e diploma.

5 accésits de 300 € e diploma.

Premio especial á ou ao artista local, nacida/o ou residente en Lugo (acreditado con copia do DNI), non compatible coa obtención dos outros premios.- 450 € e diploma.

Estes premios estarán suxeitos a unha retención do 15% de acordo co Real decreto lei 26/2014, de 27 de novembro, polo que se modifica a Lei 35/2006, do 28 de novembro, do imposto sobre a renda das persoas físicas.

2. Estas cantidades serán imputadas aos orzamentos xerais do Concello de Lugo para o exercicio 2025 con cargo á aplicación orzamentaria de Cultura, Turismo e Promoción da Lingua e o concepto de premios 33000.48101 e estarán suxeitas ao tratamento fiscal en vigor no momento da concesión.

Terceira. Características dos deseños.

1. Os deseños, o estilo e a técnica serán libres, e a súa temática xirará sobre a cidade de Lugo en toda a súa extensión. A execución será directa, diante do motivo ou do modelo natural. Os participantes deberán enviar obrigatoriamente unha localización do punto no que se sitúen para realizar a súa obra ao correo-e cultura@lugo.gal antes das 12.00 horas; de non ser posible, facelo telefonicamente aos números indicados na base 8ª.

2. Queda prohibido o uso de tecnoloxías de intelixencia artificial para a elaboración dos deseños.

3. Os cadros deberán evitar calquera tipo de propaganda subliminar que poida inducir ao consumo de alcohol ou calquera outro tipo de drogas, segundo a lexislación vixente.

Cuarta. Data do certame, inscricións e selado.

As inscricións realizaranse no Servizo de Cultura, Turismo e Promoción da Lingua do Concello de Lugo o propio día do certame, no momento de selado dos soportes, e serán gratuítas. O certame, nesta edición de 2025, terá lugar o domingo, día **13 de xullo**.

Cada participante levará o material que poida necesitar e considere necesario para desenvolver o seu traballo, incluído (de ser posible) o seu cabaleta onde se exporá a súa obra.

O soporte non superará as dimensións máximas de 100 x 100 cm. e presentarse o día do certame das 9.00 ás 11.00 h da mañá no Servizo de Cultura, Turismo e Promoción da Lingua do Concello de Lugo (praza Maior 1), para ser selado.

Quinta. Modo de presentación.

Os traballos deberán ser presentados de xeito anónimo entre as 16.00 e as 17.00 horas (hora límite) e realizarase no control establecido na praza Maior, onde se coñecerá o ditame do xurado ás 18.00 horas e os autores e autoras asinarán as obras.

Farase exposición ao aire libre que se prolongará ata as 20.00 horas e nese momento os autores e autoras das obras non premiadas faranse cargo delas.

A organización resérvase o dereito de exclusión das obras nos seguintes casos:

- Cando se incumpran un ou varios puntos destas bases.
- Cando a participación se faga empregando datos falsos ou haxa indicios de que o son, se a persoa non verifica os seus datos.
- Cando os cadros presentados non se axusten ao tema do concurso.
- Cando utilicen a imaxe da muller como reclamo e con connotacións de tipo sexual ou a denigración da súa imaxe, así como calquera outros que atenten contra a dignidade das persoas.

Sexta. Xurado.

As obras presentadas someteranse á decisión do xurado. Unha vez coñecida a decisión do xurado coa proposta das obras premiadas e os accésits, conforme á base 1ª, estas quedarán custodiadas no Servizo de Cultura, Turismo e Promoción da Lingua do Concello de Lugo.

O xurado será o encargado de propoñer as obras gañadoras, que se recollerán na resolución do órgano competente, onde se indicarán os recursos que contra a mesma se poderán interpoñer.

O xurado deliberante estará formado por tres persoas competentes na materia, de recoñecido prestixio e vinculadas coas artes plásticas, a ilustración, o deseño gráfico e/ou sectores relevantes do eido da cultura, o turismo e da propia celebración do Certame de Pintura Rápida, designadas pola Concelleira de Cultura, Turismo e Promoción da Lingua do Concello de Lugo. Ditos membros actuarán como vogais con voz e voto, sendo nomeados con carácter previo á celebración do concurso mediante resolución que será publicada no Taboleiro de Anuncios do Concello.

O xurado estará integrado así mesmo pola Ilma. Tenenta de Alcalde Delegada da Área de Cultura, Turismo e Promoción da Lingua en calidade de presidenta; o persoal do Servizo de Cultura realizará as funcións de secretaría, ambos sen voz nin voto.

Sétima. Criterios de valoración.

O xurado fará unha listaxe dos deseños presentados por orde de puntuación, tendo en conta os criterios de valoración seguintes:

- Composición e perspectiva.
- Creatividade e interpretación da contorna
- Dominio da técnica empregada.
- Uso da cor e a luz.
- Impacto visual e emocional.

- Composición e perspectiva.

Valoración do encadre, disposición dos elementos, profundidade espacial, equilibrio na distribución de elementos, manexo correcto da perspectiva, uso adecuado do espazo, equilibrio visual, perspectiva, así como outros elementos que, debidamente motivados polo xurado, se integren neste criterio.

Puntuación máxima: 20 puntos.

- Creatividade e interpretación da contorna.

Orixinalidade na visión da contorna urbana/rural, captura da esencia e carácter da contorna, coherencia entre a escena urbana/rural e a interpretación da ou do artista, grao de innovación na interpretación da contorna, enfoque persoal e distintivo da e do artista, enfoque persoal, novidoso ou expresivo do motivo urbana/rural así como outros elementos que, debidamente motivados polo xurado, se integren neste criterio.

Puntuación máxima: 20 puntos.

- Dominio da técnica empregada.

Manexo do material elixido e destreza na aplicación da técnica seleccionada (óleo, acrílico, acuarela, etc.) así como outros elementos que, debidamente motivados polo xurado, se integren neste criterio.

Puntuación máxima: 20 puntos.

- Uso da cor e a luz.

Harmonía cromática, contraste, luz e sombra así como outros elementos que, debidamente motivados polo xurado, se integren neste criterio.

Puntuación máxima: 20 puntos.

- Impacto visual e emocional.

Capacidade para captar a atención e provocar unha reacción, capacidade da obra para atraer e manter a atención do espectador, forza expresiva e estética xeral así como outros elementos que, debidamente motivados polo xurado, se integren neste criterio.

Puntuación máxima: 20 puntos.

Oitava. Resolución, aceptación e cesión de dereitos.

As persoas participantes someteranse á decisión do xurado, que formulará unha proposta de concesión, da que levantará a correspondente acta, que será asinada por todos os membros do xurado, en base aos criterios de valoración establecidos na presente convocatoria e que se recollerá na resolución do órgano competente. O xurado pode propoñer declarar deserto o premio no caso de que, ao seu xuízo, non se acade unha calidade mínima nas propostas presentadas.

A resolución do órgano competente relativa á concesión dos premios que recolle o ditame do xurado será publicada no Boletín Oficial da Provincia de Lugo, na páxina web do Concello de Lugo (<http://concellodelugo.gal>), nas redes sociais desta Área e na Base de Datos Nacional de Subvencións (BDNS) conforme ao disposto no artigo 18 da lei 38/2003, do 17 de novembro, xeral de subvencións, indicando os recursos que contra a mesma se poderán interpoñer.

O xurado resolverá sobre calquera dúbida da súa competencia, sen prexuízo dos recursos que procedan. Para calquera consulta sobre algún pormenor da actividade, deberán poñerse en contacto co Servizo de Cultura, Turismo e Promoción da Lingua nos teléfonos 982 297 212 / 216 /217/ 106 / 334 ou no correo- e cultura@lugo.gal

As obras premiadas e os accésits pasarán a ser propiedade do Concello, así como todos os dereitos inherentes ás mesmas. As autoras ou autores renuncian polo tanto a todos os dereitos de explotación, unicamente conservarán os de autoría para incluílo no seu currículo. As persoas gañadoras dan o seu consentimento para que o seu nome apareza nos materiais informativos e promocionais que puideran realizarse.

Novena. Pagamento dos premios.

1. Os premios outorgados serán aboados mediante transferencia bancaria con cargo ao exercicio económico 2025. As persoas gañadoras deberán achegar, debidamente asinada, a declaración xurada que figura no Anexo I destas bases e facilitar unha certificación da conta bancaria da que son titulares para realizar o ingreso dos premios recollidos no artigo 1 da base Segunda.

2. As persoas participantes que obteñan o premio teñen a obriga de facilitar toda a información que lles sexa requirida polo Servizo de Cultura, Turismo e Promoción

da Lingua, no exercicio das funcións de fiscalización e control que lle competen, segundo dispón o artigo 14.1.k) da Lei 9/2007, do 3 de xuño, de subvencións de Galicia.

Décima. *Infraccións.*

Establécense as seguintes infraccións, que facultarán á Administración Local á imposición de penalizacións nos termos sinalados nestas bases. As infraccións clasificaranse en leves, graves e moi graves. De xeito máis concreto, especifícanse as faltas nas seguintes categorías:

10. 1. Faltas leves. Cando non reúnan as características para unha cualificación de maior gravidade, considéranse faltas leves calquera incumprimento das bases non cualificada expresamente como grave ou moi grave.

10. 2. Faltas graves. Cando non reúnan as características para unha cualificación de maior gravidade, considéranse faltas graves as seguintes:

- a) Non atender aos requirimentos dos servizos municipais competentes.
- b) Empregar datos falsos ou a non verificación por parte da persoa participante dos datos achegados cando existan indicios de que o son.
- c) Non axustarse ao tema do concurso.
- c) A repetición de incumprimentos descritos como faltas leves cometidos no certame actual ou nos tres anteriores, cando houbera coñecemento dos antecedentes por parte dos responsables.
- f) Calquera outro incumprimento que afecte desfavorablemente ao desenvolvemento do certame e que non sexa cualificado como falta moi grave.

10. 3. Faltas moi graves. Considéranse faltas moi graves as seguintes:

- a) Utilizar a imaxe da muller como reclamo e con connotacións de tipo sexual ou a denigración da súa imaxe, así como calquera outros que atenten contra a dignidade das persoas.
- b) Non entregar a súa obra unha vez coñecido o pronunciamento do xurado ou retirala indebidamente.
- c) Falta de respecto ou consideración cos membros do xurado, co persoal municipal e/ou co público ou as persoas en xeral.
- d) A repetición dos incumprimentos descritos como faltas graves cometidos en calquera outro certame anterior, cando houbera coñecemento dos antecedentes por parte dos responsables.
- e) Calquera outro incumprimento que afecte gravemente ao desenvolvemento do certame e concorran circunstancias de conduta, desobediencia ou negligencia grave por parte dos seus responsables.

Décimo primeira. *Sancións.*

11.1. As infraccións establecidas nos apartados anteriores sancionaranse nas seguintes contías:

- a) Faltas leves: apercibimento que quedará rexistrado durante as próximas 3 edicións e 10% do importe correspondente no caso de obter un premio ou un accésit.
- b) Faltas graves: exclusión do certame e imposibilidade de presentarse nas dúas seguintes edicións.
- c) Faltas moi graves: exclusión do certame e imposibilidade de presentarse nas cinco seguintes edicións.

11.2. Para graduar as faltas e incumprimentos empregaranse como criterios preferentes a gravidade dos incumprimentos, o grao de intencionalidade ou negligencia dos responsables e a repetición da conduta infractora.

Décimo segunda. Aceptación das bases, publicación e recursos.

A participación nesta convocatoria supón a total aceptación destas bases, que serán publicadas no Boletín Oficial da provincia de Lugo, na páxina web do Concello de Lugo (<http://concellodelugo.gal>), nas redes sociais desta Área e na Base de Datos Nacional de Subvencións (BDNS) conforme ao disposto no artigo 18 da lei 38/2003, do 17 de novembro, xeral de subvencións.

Esta resolución pon fin á vía administrativa e contra ela caberá a interposición dos seguintes recursos:

- Recurso contencioso-administrativo, no prazo de DOUS MESES, contados dende o día seguinte ó da súa publicación no *Boletín Oficial da Provincia de Lugo*, ante o Xulgado de dita xurisdición de Lugo (artigos 8 e 46 da Lei 29/1998, do 13 de xullo, da xurisdición contenciosoadministrativa), así como as demais accións legais que estime pertinentes.
- Malia o anterior, e con carácter previo, poderase interpoñer o recurso potestativo de reposición previsto no artigo 123 da Lei 39/2015, do procedemento administrativo común das administracións públicas, ante a Alcaldía / Xunta de Goberno (resolvendo a Alcaldía ou a Xunta de Goberno Local, segundo a atribución delegada) e no prazo de UN MES, contado dende o día seguinte ó da súa publicación no *Boletín Oficial da Provincia de Lugo*.

No caso de que se interpuxese o recurso de reposición, non poderá interpoñerse recurso contencioso-administrativo ata que sexa resolto expresamente ou se produza a desestimación presunta do devandito recurso de reposición (artigo 123 da Lei 39/2015, do procedemento administrativo común das administracións públicas).

=

ANEXO I
DECLARACIÓN XURADA
CERTAME DE PINTURA RÁPIDA AO AIRE LIBRE 2025
CONCELLO DE LUGO

Dona/Don....., con
DNI..... como autora ou autor da/s obra/s
titulada/s:
.....
.....

DECLARO

1. Que todos os datos contidos nesta declaración e nos documentos que se achegan son certos.
- 2.- Que me atopo ao corrente das miñas obrigas tributarias e coa Seguridade Social, así como no cumprimento dos requisitos esixibles para obter a condición de beneficiario, no seu caso, do premio que puidera corresponder, comprometéndome a manter esta situación durante todo o tempo da tramitación do expediente e do dereito á cobranza, e a súa acreditación ante o Concello cando sexa requirido, quedando obrigado a comunicar calquera variación desta situación.
- 3.- Non estar incurso/o en ningunha das circunstancias previstas no artigo 13 da Lei 38/2003, do 17 de novembro, xeral de subvencións nin en ningunha clase de inhabilitación para a obtención de axudas previstas nos puntos 2 e 3 do artigo 10 da Lei 9/2007, do 13 de xuño, de subvencións de Galicia.

4.- Que acepto as bases ou normas reguladoras da presente convocatoria.

....., ... de de 2025."

TERCEIRO.- Aprobar o gasto de 5.100,00 euros con cargo á partida 33000.48101, RC 37569/2025 do vixente orzamento municipal.

CUARTO.- Dar publicidade das presentes bases no Boletín Oficial da Provincia de Lugo, na páxina web do Concello de Lugo (<http://concellodelugo.gal>), nas redes sociais desta Área e na Base de Datos Nacional de Subvencións (BDNS) conforme ao disposto no artigo 18 da lei 38/2003, do 17 de novembro, xeral de subvencións.

QUINTO.- Dar traslado deste acordo, o cal pon fin á vía administrativa, ás dependencias e servizos municipais afectados, coa indicación de que contra el caberá a interposición dos recursos correspondentes.

É canto procede informar.

Lugo, (sinatura dixital)

O XEFE DO SERVIZO DE CULTURA,
TURISMO E PROMOCIÓN DA LINGUA,

Asdo. Xosé Manuel Cao Rei"

TERCEIRO.- Aprobar o gasto de 5.100,00 euros con cargo á partida 33000.48101, RC 37569/2025 do vixente orzamento municipal.

CUARTO.- Dar publicidade das presentes bases no Boletín Oficial da Provincia de Lugo, na páxina web do Concello de Lugo (<http://concellodelugo.gal>), nas redes sociais desta Área e na Base de Datos Nacional de Subvencións (BDNS) conforme ao disposto no artigo 18 da lei 38/2003, do 17 de novembro, xeral de subvencións.

QUINTO.- Dar traslado deste acordo, o cal pon fin á vía administrativa, ás dependencias e servizos municipais afectados, coa indicación de que contra el caberá a interposición dos recursos correspondentes.

É canto procede informar.>>

Así mesmo, consta informe do Servizo de Intervención Xeral Municipal nº 2025/923 de data 13 de xuño de 2025, no que manifesta como resultado da fiscalización previa limitada: **procede a tramitación do expediente.**

En virtude das atribucións que lle confiren á Alcaldía e a Xunta de Goberno Local os artigos 124 e 127 respectivamente da Lei 7/85, de 2 de abril, reguladora das bases de réxime local, atribucións delegadas segundo acordo da Xunta de Goberno Local núm. 40/607, de 26/7/2023 e Decreto núm. 4036/2024 de 30/04/2024 na súas actuais redaccións, **PROPONSE** para a súa aprobación pola tenente de alcaldesa titular da Área, mediante a correspondente resolución:

RESOLVO:

PRIMEIRO.- Aprobar a convocatoria da XXV edición do Concurso de Pintura Rápida ao Aire Libre "Cidade de Lugo" 2025.

SEGUNDO.- Aprobar as bases reguladoras da XXV edición do Concurso de Pintura Rápida ao Aire Libre "Cidade de Lugo" 2025.

TERCEIRO.- Aprobar o gasto de 5.100,00 euros con cargo á partida 33000.48101, RC 37569/2025 do vixente orzamento municipal.

CUARTO.- Dar publicidade das presentes bases no Boletín Oficial da Provincia de Lugo, na páxina web do Concello de Lugo (<http://concellodelugo.gal>), nas redes sociais desta Área e na Base de Datos Nacional de Subvencións (BDNS) conforme ao disposto no artigo 18 da lei 38/2003, do 17 de novembro, xeral de subvencións

QUINTO.- Dar traslado deste acordo, o cal pon fin á vía administrativa, ás dependencias e servizos municipais afectados, coa indicación de que contra el caberá a interposición dos seguintes recursos:

- Recurso contencioso-administrativo, no prazo de DOUS MESES, contados dende o día seguinte ó da notificación do presente acto, ante o Xulgado de dita xurisdición de Lugo (artigos 8 e 46 da Lei 29/1998, do 13 de xullo, da xurisdición contencioso-administrativa), así como as demais accións legais que estime pertinentes.

- Malia o anterior, e con carácter previo, poderase interpoñer o recurso potestativo de reposición previsto no artigo 123 da Lei 39/2015, do procedemento administrativo común das administracións públicas, ante a Alcaldía / Xunta de Goberno (resolvendo a Alcaldía ou a Xunta de Goberno Local, segundo a atribución delegada) e no prazo de UN MES, contado dende o día seguinte ó da notificación do presente acto.

SERVIZO DE CULTURA, TURISMO E PROMOCIÓN DA LINGUA

XMCR/crb

Refº: ispac1729923136600425634.doc

Asunto: Aprobación bases Pintura Rapida 2025

No caso de que se interpuxese o recurso de reposición, non poderá interpoñerse recurso contencioso-administrativo ata que sexa resolto expresamente ou se produza a desestimación presunta do devandito recurso de reposición (artigo 123 da Lei 39/2015, do procedemento administrativo común das administracións publicas).

Cúmprase.